

# Ette äänestää

Pyhänä 26 toukokuuta 2019  
oon vaali Eurooppaparlamenttiin.

Val 26 maj 2019  
EUROPAPARLAMENTET

## Kukas saapii äänestää?

Sulla oon äänestys-oikeus jos sie olet ruottalainen kansalainen ja olet elikkä olet ollu kansankir-joila Ruottissa. Sulla oon kansa äänestys-oikeus jos sie olet kansalainen jossaki EU:n jäsen-maassa, olet kansankirjoila Ruottissa ja olet ilmottannu ittesti äänestysluettelhuun. Sie olet pi-täny täyttää 18 vuotta viimisthään vaalipäivänä.

## Sulle jollako oon äänestys-oikeus, tulee äänestyskortti

Sulle jollako oon äänestys-oikeus tulee äänestyskortti postin kansa kolme viikkoa ennen vaalia. Äänestyskortissa seisoo nimi, osote ja aukioloaijat sinun vaalipaikhaan. Siinä oon kansa esi-merkkiä paikoista etukätheisäänestämiselle. Jos sie kaipaat sinun äänestyskorttia sie saatat tilata uuen kunnasta elikkä Vaalivirastosta.



## Vaaliseetelit

Vaaliseeteliä oon joka paikassa missä sie saatat äänestää ja parttioitten tykönä.

## Äänestä parttiota

Sie äänestät ensinki parttiota. Parttion nimi oon vaaliseetelin päälä. Jos sie et löyvä sinun parttion vaaliseeteliä, sie saatat kirjottaa parttion nimen tyihän vaaliseetelin pääle. Kirjota sel-västi.

## Henkilöäänestä

Jos sie halvaat ette joku erityinen parttion kantitaatista tulee valituksi, sie saatat panna kryssän ruuthuun kantitaatin nimen etheen vaaliseetelissä. Sie saatat vain kryssätä yhtä kantitaattia. Sie saatat kansa henkilöäänestä kirjottamalla parttionnimen ja kantitaatin nimen tyihän vaaliseete-lin pääle.

## Änestys

### Äänestä sinun vaalipaikassa vaalipäivänä 26 toukokuuta

Sie saatat vain äänestää siinä vaalipaikassa joka seisoo sinun äänestyskortissa. Vaalipaikka oon vain auki vaalipäivänä. Ko sie äänestät sinun vaalipaikassa sinun nimi prikathaan pois ää- nestysluettelusta ja sinun ääni panthaan vaaliyyrhnaan.

### Etukätheisäänestä sinun omassa elikkä muussa kunnassa

Sie saatat äänestää etukätheisesti missä äänestyspaikassa vain koko maassa. Etukätheisäänestys alkaa suunile kolme viikkoa ennen vaalipäivää ja oon käynnissä vaalipäihvään saakka. Informa-suunia missä sie etukätheisäänestät sie löyät sinun kunnassa elikkä webbipaikasta [www.val.se](http://www.val.se).

Sulla häätyy olla matkassa sinun äänestyskortti ko sie etukätheisäänestät.



## Äänestä ulkomailta

Jos sie olet ulkomailta sie saatat preiviäänestää elikkä äänestää ruottalaisela ampasaatila ja kon-sylaatila. Jos sie preiviäänestät sie häyt käyttää vasittua materiaalia jonka sie tillaat Vaalivi-rastosta, kunnista, ampasaatista elikkä konsylaatista.

## Apua ette äänestää

### Asiamiesäänestys

Jos sie saihrauen, toimintarajotuksen elikkä iän vuoksi et pääse äänestyspaikale sie saatat sen siihaan äänestää asiamiehen kautta. Sie saatat kansa äänestää asiamiehen kautta jos sie olet päätetty elikkä olet fankilahoijossa. Ette äänestää asiamiehen kautta sie tarttet vasitun materia-alin jonka sie tillaat kunnasta elikkä Vaalivirastosta.

Seuraavat henkilöt saattavat olla asiamiehet:

- mies, vaimo elikkä sampuu
- miehen, vaimon elikkä sampuun lapsi, lapsenlapsi, vanhuukset elikkä siskot
- net jotka ammattilaisesti antavat sulle hoitoa elikkä auttavat sinua henkilökohtasissa asioissa
- työntekiät piätyksessä elikkä fankilahoitolaitoksessa

Asiamies häätty olla vähhiinhään 18 vuotta vanhaa ja pystyä näyttämhään itentiteetti-paperin.

### Kiertävä äänivasthaanottaja

Jos sie et tunne kethään joka saattaa olla asiamiehenä sulle, sinun kunta saattaa järjestää äänivasthaanottajan joka tullee kotia sinun työ. Ota yhteyttä sinun kunnan kansa ette saaja lissää informasuunia.

## Sie häyt toistaa sinun itentiteetin

Ette saaja äänestää sie häyt toistaa sinun itentiteetin. Jos sie et ole tuttu äänivasthaanottajille sie häyt näyttää itentiteetti-paperin, esim ajokortin elikkä passin. Jos sulla ei ole itentiteetti-paperia niin joku muu henkilö saattaa toistaa sinun itentiteetin, mutta silloin se henkilö häätty näyttää oman itentiteetti-paperin.

## Kalenteri EU-vaalile 2019

<b>11 huhtikuu</b>	Varhaisiin taatumi ette panna posthiin preiviäänestyksen ulkomailta
<b>26 huhtikuu</b>	Sinun äänestysioikeus päätethään tioitten mukhaan Veroviraston kansankirjarekisteristä
<b>2 toukokuu</b>	Varhaisiin taatumi ette äänestää ruottalaisila ampasaatila ja konsylaatila ulkomaila
<b>8 toukokuu</b>	Etukätheisäänestys alkaa Ruottissa
<b>26 toukokuu</b>	Vaalipäivä